



Dirección Xeral de Formación Profesional

Admisión Formación Profesional 2025-2026 - Formación acelerada

Instrucións xerais



Índice

1	Introdución.....	3
2	Prazo de presentación de solicitudes.....	3
3	Presentación de solicitudes de admisión.....	3
4	Requisitos de acceso a Formación Acelerada.....	4
5	Consulta de información do proceso de admisión.....	4
6	Resolución provisional de solicitudes e reclamacións.....	4
7	Resolución definitiva de solicitudes.....	4
8	Período de selección do alumnado.....	4
9	Relación de persoas seleccionadas e matrícula.....	5
10	Número mínimo de solicitudes de matrícula.....	5
11	Adxudicación continuada.....	5
12	Liberación de prazos.....	5
13	Remate do procedemento de admisión e matrícula.....	6
14	Acceso de persoas con titulación estranxeira.....	6



1 Introducción

Como novidade para o curso 2025-2026 ofértase a Formación Acelerada que ten a finalidade de permitir que as persoas obteñan unha cualificación de xeito rápido, que lles permita o acceso ao emprego nos sectores clave para Galicia nos que existe plena inserción profesional, pero á súa vez que poidan acumular esta formación para obteren posteriormente un título.

Esta formación caracterízase por concentrarse nun período curto de tempo, de catro a seis meses, realizándose dúas edicións por curso académico: primeira edición de setembro a xaneiro, e segunda edición de xaneiro a xuño.

2 Prazo de presentación de solicitudes

O **prazo de presentación de solicitudes de admisión** para o curso 2025-2026 será do **16 de xuño ás 9:00 horas ata as 13:00 horas do 2 de xullo**. Quen obteña o requisito de acceso por obter un título de FP ou da ESO no curso 2024-2025 presentará a solicitud a partir do 23 de xuño.

3 Presentación de solicitudes de admisión

Para presentar a solicitud de admisión para a Formación acelerada hai que ter en conta o seguinte:

- Unicamente poderá presentar a solicitud quen cumpra os requisitos de acceso no momento da presentación da solicitud de admisión.
- As persoas que participen no procedemento de admisión e matrícula para a Formación acelerada tamén poderán realizar a solicitud de admisión a outras ofertas de ciclos formativos e de cursos de especialización.
- Serán excluídas dos procesos de admisión á Formación acelerada as solicitudes das persoas matriculadas en ESO, bacharelato ou FP (incluída a FCT), agás o establecido para as solicitudes de matrícula simultánea.
- Tamén serán excluídas dos procesos de admisión a outras ofertas de formación profesional as solicitudes das persoas nalgunha das seguintes circunstancias:
 - Admitidas (seleccionadas) nun proxecto de FP dual intensiva.
 - Admitidas en cursos de especialización de formación profesional.
- As persoas non admitidas na Formación acelerada continuarán no proceso de admisión a ciclos formativos.

Deberase cubrir **unha solicitud de admisión** para Formación acelerada na que se **poderá optar a dúas formacións**, utilizando o asistente informático que estará dispoñible en www.edu.xunta.gal/fp. A aplicación avisará no caso de que sexa necesario achegar documentación, que poderá engadirse en soporte electrónico. Non será necesario presentar o resgardo da solicitud nin a documentación nun centro, agás que a aplicación indique que para ser unha solicitud válida teña que ser entregada, xunto coa documentación necesaria, nun centro educativo con oferta de Formación acelerada sostida con fondos públicos, para ser selada, datada e validada.

No caso de detectar erros na instancia validada, e só durante o prazo de presentación de solicitudes, poderán xerarse e validarse outra/s solicitud/s de admisión. Só se considerarán os datos da derradeira solicitud validada.



De ser necesaria a entrega, xunto coa documentación, nun centro educativo, poderase presentar a solicitude, cuberta mediante o asistente informático e asinada, en sobre aberto en calquera oficina de Correos de España, para ser remitida por correo certificado co selo de Correos coa data de entrega, lugar, hora e nome da oficina (artigo 31 do Real decreto 1829/1999), e a persoa solicitante pedirá explicitamente que se fagan constar as circunstancias do envío, logo da comparación co documento de identidade, segundo o referido artigo. **A solicitude irá dirixida ao centro onde se ofrezca a Formación acelerada para a que solicita a admisión.** A documentación presentada que non sexa orixinal deberá estar compulsada; tamén se deberá incluír unha copia simple do documento de identidade. Será necesario remitir, **nos prazos de admisión**, unha copia da documentación presentada e selada mediante correo electrónico ao centro ao que vaia dirixida a solicitude. Os enderezos electrónicos dos centros pódense consultar en <https://www.edu.xunta.gal/centroseducativos/>

4 Requisitos de acceso a Formación Acelerada

- Ter dezaioito anos ou facelos no ano natural no que comece o programa de Formación acelerada.
- Cumprir os requisitos de acceso ao grao básico, medio ou superior segundo corresponda.

5 Consulta de información do proceso de admisión

Toda a información do proceso de admisión á Formación acelerada estará dispoñible no enderezo web www.edu.xunta.gal/fp. Para a consulta da situación individual pódese usar o DOI e o código da solicitude, usuario e contrasinal de edu.xunta.gal, chave 365 e certificado dixital.

Nas datas establecidas, poderase consultar a situación individual das resolucións provisionais e definitivas de persoas solicitantes, así como a relación de persoas admitidas e en espera, no enderezo web www.edu.xunta.gal/ciclosadmisión.

6 Resolución provisional de solicitudes e reclamacións

O día **4 de xullo** poderase consultar a información da resolución provisional de solicitudes para cada programa de Formación acelerada.

Establécese un **prazo de reclamacións** desde o día **4 de xullo ás 9:00 horas** ao **8 de xullo ás 13:00 horas**.

7 Resolución definitiva de solicitudes

O día **10 de xullo** poderase consultar a información da resolución definitiva de solicitudes.

8 Período de selección do alumnado

Os centros farán a selección do alumnado, aplicando os mesmos criterios de prioridade establecidos para o grao correspondente da oferta ordinaria, desde o día **4 ao 11 de xullo ás 12:00 horas**.

Os centros terán de prazo ata o día 11 de xullo ás 14:00 horas para cargar na aplicación informática as persoas seleccionadas.

As persoas admitidas (seleccionadas) para a Formación acelerada quedarán excluídas do proceso de admisión a outras ofertas de ciclos formativos e de cursos de especialización. No caso de non seren admitidas (seleccionadas) na Formación acelerada poderán continuar nos outros procesos de admisión a ciclos formativos e a cursos de especialización.

9 Relación de persoas seleccionadas e matrícula

O día **15 de xullo** publicarase a relación de persoas adxudicadas e en espera na Formación acelerada. As persoas adxudicadas deberanse matricular no prazo abranguido desde o día **15 ás 9:00 horas ao día 18 de xullo ás 13:00 horas**. De non facelo, perderán os dereitos sobre a matrícula da praza adxudicada.

10 Número mínimo de solicitudes de matrícula

Consonte a normativa que regula a oferta formativa de formación profesional, no caso de non acadarse o número mínimo de solicitudes de matrícula de primeira opción no prazo ordinario, non se poderán realizar matrículas nin impartir a formación sen a autorización expresa da Dirección Xeral de Formación Profesional para iniciar esta formación e, mentres que non se dispoña desta autorización, non se poderá formalizar matrícula ningunha.

11 Adxudicación continuada

No caso de programas de Formación Acelerada con **listaxe de espera**, abrírase un proceso de adxudicación de prazas vacantes residuais desde o **22 de xullo ata o 26 de setembro ás 13:00 horas**. A adxudicación continuada iniciárase en cada centro **desde o mesmo momento no que se confirmen as vacantes** de prazas adxudicadas ou as baixas de matrícula. Os centros con prazas nesta situación efectuarán chamamentos telefónicos ás persoas que corresponda segundo a listaxe de espera para cubrir as prazas vacantes. As chamadas efectuaranse aos números de teléfono consignados na solicitude de admisión. Procederáse á matriculación das persoas que acepten a praza.

Para cada persoa realizárase un mínimo de tres intentos de chamada separados por media hora. Se houber dous teléfonos, intentarase en ambos. **Se finalmente non se localiza a persoa, pasarase á seguinte da listaxe.**

No caso de contactar coa persoa, explicaráselle que ten a posibilidade de matricularse na praza vacante (pódese dar media hora para pensalo). A persoa ten dúas opcións logo de recibida a información:

- **Renunciar:** a renuncia é exclusivamente a esa praza. **No resto das listaxes de espera** nas que estivese, **non será modificada a súa posición, incluídas as de menor prioridade**, xa que este é un procedemento deseñado para cubrir as vacantes residuais do proceso de admisión.
- **Aceptar:** a persoa terá **24 horas** para entregar toda a documentación necesaria para formalizar a matrícula e iniciar a actividade lectiva. **Non presentarse no prazo implicará a perda do dereito sobre esa praza.** A aceptación da praza significará a renuncia a continuar no proceso de admisión.

Nesta fase do proceso, cada centro chama o alumnado das súas listaxes de espera de xeito independente, polo que non é posible ter en conta a orde de prioridade que cada persoa establecera na súa solicitude de admisión. Deste xeito, pode ocorrer que unha mesma persoa poida ser chamada desde varios centros diferentes; mesmo unha persoa xa chamada neste proceso e pendente de matrícula pode ser chamada por outro centro.

12 Liberación de prazas

A Dirección Xeral de Formación Profesional poderá liberar as prazas vacantes na Formación acelerada a ata o **26 de setembro ás 13:00 horas**.

As ofertas de Formación acelerada coa condición de liberadas e o número de prazas dispoñibles en cada unha delas poderase consultar na páxina web de formación profesional.

13 Remate do procedemento de admisión e matrícula

O proceso de matrícula rematará en todo caso o día **26 de setembro**. A partir desta data, non se formalizará ningunha matrícula sen a autorización expresa da Dirección Xeral de Formación Profesional. Esta autorización realizarase por medio da aplicación informática que xestiona a admisión.

14 Acceso de persoas con titulación estranxeira

No caso das solicitudes para o acceso a Formación acelerada nas que se aleguen titulacións obtidas fóra do Estado español, é moi importante que os datos persoais e académicos da credencial de homologación ou da declaración responsable para inscrición condicionada se correspondan cos da solicitude de admisión.

No espazo habilitado na aplicación (despois de marcar a entrega da solicitude e acceder á fiestra de validación) para cargar especificamente a documentación de estudos estranxeiros deberase achegar:

- No caso de dispor de **homologación** do título estranxeiro:
 - Documento oficial de identidade (DOI).
 - Homologación do título.
- No caso de **non** dispor da **homologación** do título estranxeiro:
 - Documento oficial de identidade.
 - Solicitude de homologación e/ou validación de títulos e estudos estranxeiros de ensinanza non universitarias (anexo I da Orde reguladora do procedemento de homologación) co selo de rexistro de entrada.
 - Declaración responsable para inscrición condicionada en centro docente e/ou exame oficial (anexo III da Orde reguladora do procedemento de homologación) co selo de rexistro de entrada.
 - Resgardo de pagamento da taxa de solicitude de homologación (excepto para o título de graduado en ESO).

Nos casos nos que a identidade coa que se obtivo a credencial de homologación ou os da declaración responsable para inscrición condicionada sexan diferentes aos do DOI que se entrega coa solicitude de admisión, será necesario achegar certificado do Rexistro Civil ou da Policía onde se acredite que se trata da mesma persoa.

No proceso de admisión das persoas que desexen acceder á Formación acelerada con titulacións obtidas fóra do Estado español, empregárase a nota media reflectida na credencial definitiva de homologación dos seus estudos cos correspondentes españois necesarios para o acceso á Formación acelerada. No caso de non teren reflectida nota media na credencial definitiva de homologación ou de alegaren solicitude de declaración responsable para inscrición condicionada, consignaráselles unha nota de cinco puntos.